

Supervizor pozdravio korake Skupštine Brčko Distrikta na poboljšanju sigurnosnog i poslovnog okružja



Prvi zamjenik visokoga predstavnika i supervizor za Brčko, Michael Scanlan, pozdravio je usvajanje rebalansa proračuna Brčko Distrikta koji podrazumijeva i sredstva koja će omogućiti više puta odgađano useljenje Policije Brčko Distrikta u suvremenu zgradu izgrađenu sredstvima Europske unije. Smještaj u istoj zgradi s Graničnom policijom BiH i Službom za strance BiH omogućit će učinkovitu suradnju u provedbi zakona, a u službi Brčkog i Bosne i Hercegovine, naglasio je Scanlan.

Supervizor je također pozdravio odluku Skupštine da podrži javno-privatnu inicijativu Vlade Distrikta i kompanije „STUDEN & CO Holding GmbH“. Ova inicijativa će omogućiti vlastima u Brčkom da unaprijede javne usluge koje pružaju poduzetnicima u Distriktu. Ukoliko se reforme završe u dogovorenom roku, unaprijeđeno poslovno okružje će rezultirati velikom investicijom „STUDEN Holdinga“, ali i privući druge strane investitore i omogućiti rast lokalnog biznisa u Distriktu, dodao je supervizor.

Supervizor Scanlan pozvao je Skupštinu Distrikta da nastavi s novom reformskom dinamikom koja za cilj ima promociju transparentnosti i dobrog upravljanja, razvoja infrastrukture

i rasta privatnog sektora, imajući u vidu da će svaki uspješan korak voditi sljedećem i tako doprinositi cijeloj zajednici. U tom smislu, podvukao je kao ključno da Skupština do kraja godine usvoji Zakon o proračunu i tako omogući transparentno i učinkovito trošenje proračuna za 2020. godinu te donese odluku o korištenju 1,6 milijuna KM koje su već namijenjene za studij izvodljivosti i početne radove na rekonstrukciji mosta Brčko-Gunja.

Kontinuiran i brz napredak na reformskom putu će učiniti da Brčko ponovno postane dinamično ekonomsko središte ovoga dijela BiH, s dobro plaćenim poslovima u privatnom sektoru, odličnom infrastrukturuom te nizom kulturnih, sportskih i zabavnih sadržaja za koje su svi građani svjesni da ih Brčko treba imati, zaključio je supervizor Scanlan.